

## Das vierdte Theil.

193

388

386

392

382

397

377

337

287

nde

Fristen/jhr habt doch nun den preiss.  
Reinicken sprach: Ihr Herren weiss/  
Ich bin des fro/dass hie zu frist/  
Mein vnschuld an tag kommen ist.  
Wil auch dem Konig zu gefallen/  
Vnd den andern herren allen/  
Isengrein den gefangnen mein  
Lebendig loß geben vnd lassen seyn.  
Doch das mit meiner freunde räht/  
Die rieffen jm da all zu trah/  
Dass er des Königs willen thet/  
Damit der Kampf ein ende hett.  
Also ließ es Reinicken geschehen/  
Du stund hett man wunder gesehen/  
Wie viel da Reinicens freunde waren/  
Die jn vor offt theten befahren/  
Gar mancher war damals sein Freundt/  
Der ihm vor wolden todt hett gündt/  
Die waren mit jm alle fro/  
Pfeissen vnd Trummen waren dos/  
Also Reinicken mit ehren gieng/  
Vnd kniet für den herren König.  
Der König hieß in baldt auffstehen/  
Vnd frey vor jederman nun gehen/  
Er hett sein tag mit ehr vollbracht/  
Ein Sühn soll nun werden gemacht/  
zwischen jm vnd Isengrein/  
Doch soll so lang ein anstand seyn/  
Bis Isengrin wider kündt gehen/  
So soll solchs denn mit rath geschehen.

卷之三